



Diasabra September 12 2015 -Edicion-8 Vol.1949527 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

URATACA CENTER

Special di awe:

Diasabra September 12
Aroz Con Pollo, Sate, Banana & Salada

Solamente awg 10.00

Soppi riba Diasabra & Diadomingo

Tel: 585-5212

EX-PREMIER NEL ODUBER TA PUNTRA:

**KI RESPET Y CONFIANZA PUEBLO POR
TIN PA UN INSTITUTO CU TA ACTUA RIBA
ORDEN DI GABINETE EMAN?**



**Fraccion MEP a bishita "John Wesley
College"**



Gerick Croes di MEP:

**Green Corridor significa
cu pueblo lo bay paga
Financial Transfer Tax**

**Señora alcanza pa un v-car na
cruzada Van Leeuwenhoekstraat
cu Caya Ing. Roland Lacle**



ACCION DI FIRMA

AWE DIASABRA, DIA 12 DI SEPTEMBER

FOR DI 9' DI MAINTA TE 12'or DI MERDIA

SEMELEERSTRAAT NA NOORD, NOS TA BAY DI CAS PA CAS

AWE FESTIVAL DI

RANCHERA NA CLUB

TRAPPERS



Simply Low Prices Everyday!
True Value
START RIGHT. STAY HERE.



1.93 only! Price VIP
Reg.Price:12.56
RiceLand white rice 10LB



11.73 only! Price VIP
Reg.Price:12.35
Nescafe 170gr



5.73 only! Price VIP
Reg.Price:6.04
BV Corn oil 48oz



7.78 only! Price VIP
Reg.Price:8.19
Nutella hazelnut spread 13oz



14.20 only! Price VIP
Reg.Price:14.95
BV Dog Food 12lb



65.82 only! Price VIP
Reg.Price:69.29
Alpo dog food 47lb



27.50 only! Price VIP
Reg.Price:28.95
Alpo dog food 16lb

Tur diabierna y
Diasabra
8pm - 11pm
Shopping Night

10% + 5% = 15% off
CURB OFF CARD

on whole chicken, chicken
wings/legs,pork chop
& Fruits & Vegetables
(No discount on case-volume)

Ex-Premier Nel Oduber ta puntra:

Ki respet y confianza pueblo por tin pa un instituto cu ta actua riba orden di Gabinete Eman?



Den un estado di derecho, esta den un democracia bibo pa garantiza e balansa entre e tres podernan, Ministerio Publico ta ehecuta un maneho di gobierno encuan to combatimento di criminalidad, pero ta haci esaki a base di nos leyman cu criterionan obhetivo. Pa cu esaki Ministerio Publico tin un poder absoluto! Nan mester garantiza pueblo cu nan no ta distingui hende, ni color politico y ta actua riba nan mes sin influencia di gobierno.

Metemento di politica

Cu AVP semper ta mete cu politica den Ministerio Publico ta conoci caba, unda hasta huez den pasado a duna un sentencia den esaki. Lesa e rapport de Ruiter, "Met alle respect", pa bo mes saca bo conclusion cu gobernantenan di AVP semper a usa Ministerio Publico pa persigui solamente hendenan cu ta contra nan gobierno. Nan ta eherce nan influencia

via nan satelitenan.

No solamente den Ministerio Publico, pero den Seguridad Nacional nan tabata y te awe nan ta mete directamente. Manera dia 22 di Oktober 1994 cu Hulanda mester a pone un KB riba cabez di Minister di Husticia, Watty Vos (R.I.P.), unda a kita e cartera for di dje y pone bao Gobernador. Mescos riba orden di Mafia, labadornan di placa y traficantenan di droga a pone presion pa kita e director sr. Martin Ras di Seguridad Nacional. Ami conoce henter e historia aki cu luho di detaye y tin varios documento pa proba esaki.

Fondo Desaroyo San Nicolas

Bolbiendo riba Ministerio Publico, AVP su influencia ta grandi den e instituto aki y ta bisto con nan a investiga e ladronia tempo di Gabinete Henny Eman di 52 milyon florin den Fondo Desaroyo Nobo San Nicolas, unda cu Officier durante un encuentro na beach a fix

un areglo cu ex-lider di AVP, Tico Croes y e tal Otmar, mescos cu tempo cu Henny Eman 'onder een kopje koffie' a fix e corrupcion di garantianan hotelero. Tambe no mester lubida con un parlamentario di AVP a dal un persona mata na Catiri, otro cu a dal hende lague invalido dilanti di ex-Pepe Ganga, tur a 'get away' y net nada a bin afor. Si bo mira actualmente con Ministerio Publico ta actua contra hendenan cu a bin protesta contra traidornan cu a entrega nos Status Aparte, a dicidi di detene nan mas largo cu normal pa delitonan inferior. Segun mi, ta reta nan ta reta pueblo y kizas pa midi forza.

Huelga y protesta

Emesun Ministerio Publico aki cu na 2008 no a laga detene ningun hende, mescos cu tur esnan cu a huelga y protesta y cu AVP a organiza cu hopi instigacion, violencia, destruccion di propiedad publico, tira cu arma di candela, kima tire, kibra porta di Oficina di

Gobierno, trata di kima e edificio aki, blokia entrada di Haf y Aeropuerto. Logicamente nos di MEP na 2008 tabata den gobierno y no ta duna orden pa detene hende, contrario na locual a pasa recientemente, unda Ministro Dowers mes a declara cu el'a duna orden na Ministerio Publico pa persigui lider di MEP y e presidente actual di SPA y mesora a cuminsa detene yen di hende y prolonga nan detencion.

Criterionan di Ministerio Publico

Ki respet y confianza nos por tin pa un instituto cu ta actua riba orden di Gabinete Eman? Unda nos derechonan a keda? Un cos den bida ta skirbi: "Esun cu sembra biento, lo cosecha orcan" y "Esun cu coba buraco pa otro, e mes ta cay aden". Ni Trujillo, Videla, Stroessner, Saddam Hussein, Papa Doc, Baby Doc, Perez Jimenez, ningun di nan a keda pa eternidad, ya cu historia a demostra cu ningun dictadura ta dura



mil año.

Criterionan cu Ministerio Publico ta aplica pa detene hende ta, depende ken bo ta. Un ehempel, cuanto auto polisnan 'cansa' a kibra caba y ki dia husticia a haci algo riba esaki? Cuanto polis a dal hende mata y ningun a ser deteni, corda cera? Mi no kier generaliza, pasobra algo asina por pasa cu nos tur y peso di ley mester ta pa tur igual. E diferencia den trato ta cu si bo horta algo di come den cas di hende bo ta bay basta dia cera, pero si comete fraude y horta banco como empleado, bo ta sali liber. Quo vadis cu nos husticia na Aruba?

TA HUUR @ STA. CTRUZ

Ta huur un cas, situa riba caminda principal di Sta. Cruz, bon pa oficina, negoshi, dokter, of cualkier negoshi cu mester ta ubica riba caminda principal.

Cas tin 4 kamer, 1 baño, sala grandi, comedor, cushina, patio.

Afl. 2750.00 pa luna.

Pa informacion: Manda un e-mail na caribbean297@gmail.com

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

MEP ta puntra:

Parlamento ta CAS di pueblo?

Ora ta conveni presidente di Parlamento e ta bisa cu edificio di parlamento ta cas di pueblo y ora esaki no ta na su ventaha su actonan ta papia pa nan mes. Si nos tuma e dia di 27 Augustus ultimo como ehempel, pueblo lo realiza cu ta midi cu dos midi. Pasobra dia pueblo na un forma civiliza a pidi pa wordo scucha den cas di pueblo, Presidente di Parlamento a dal porta cera den nan cara cu consecuencia cu e atakenan riba parlamento a cuminsa.

Aki ta na unda pueblo mester puntra su mes: si Marisol kier pa e mes dicidi ki ora parlamento ta cas di pueblo y ki ora e ta cas di Marisol? Tabata obvio cu e falta di respet cu el'a musta dia 27 Augustus a causa hopi rabia den comunidad.



Durante dia nan a contact e presidente cantidad di biaha y cada biaha e presidente tabata tene nan na linia, e tabata gaña nan, e tabata chercha di nan. Sindicatonan a pidi prome cu 8'or pa

wordo scucha PROME cu votacion.

A base di e peticion nos fraccion a pidi den reunion pa schors un rato y scucha nan pa asina baha e tension cu tabata

creciendo pafor di edificio di parlamento, pero e presidente na forma arogante a nenga y ta te despues cu reunion a caba el'a invita nan pa papia pero e ora e baca a hoga caba. Net ora e reunion a

termina simultaneamente coordinadornan di ministernan a cuminsa tira botter riba e multitud desde ariba y como consecuencia cu cosnan a sali for di man.

Loke ta di condena di e actitud di presidente di parlamento ta e hecho cu el'a pone nos bida na peligro. Awendia tur esnan encarga cu seguridad ta di acuerdo cu e presidente di parlamento a comete un eror grave di calculacion. Ta di lamenta si cu ora cu arogancia fiha bo pasonan bo ta bira sordo y ciego pa e ansha den bo pueblo. Esey a pasa cu e presidente di parlamento.

Ta pesey e pregunta: Parlamento ta realmente e cas di pueblo, of ta ora cu Marisol Lopez-tromp kier so e ta cas di pueblo?

Problema entre bisiña na Casibari



Diahuebs atardi varios patruya a bay un adres na Casibari. Aki tabata tin un pelea andando.

Aunke na nan yegada el'a pasa, na e sitio a compronde cu tabata trata di problema entre dos bisiña.

Aki un di e bisiñanan cu lo a caba di sali di KIA. a haye confronta cu e otro bisiña cu a bay molesti'e of vice versa. Polis a papia cu nan pa stop e problema, pero ta musta manera nan no kier comprende.



Diabierna den oranan di bolbe bay e adres. mainta polis mestrer a

Homber a maltrata turistanan

Central a manda Polis diahuebspa 12:37, na haltura do Soprano's, pa duna asistencia pa tiramento di piedra, pero na yegada a resulta cu esey no tabata e caso. Den vecindario, Polis ta mira dos homber ta core tras di otro. Eynan a resulta despues cu e guardia M.R. cu ta core tras di e homber W.R.S. E guardia a tene e homber y a pone riba vloer. W.R.S. tabata tin rasca na su rudia drechi.

Polis a bisa e guardia pa lague bay. E guardia a bisa cu e homber a dal e turista F.M.R cu un klinker riba su cabez y despues tres otro turista na Sopranos y nan a keda herida. Ta parce cu e tabata bao influencia di alcohol. El' a keda deteni pa buracheria, como cu e victimanan no kier duna keho.

Paña a disparce for di washok

Central a manda Polis na diahuebs pa 3:34, Polis na Cumana pa un ladroncia.

E homber D. kende a bisa cu desconocirnan a dreña den e lugar di laba paña y a bay cu algun paña. E keho a keda registra.

A tende hende papia na Spaño na e hekki pariba di ex - Bushiri Hotel



Diahuebs anochi den careda di 10'or varios unidad a bay caminda e Electric Festival a tuma lugar, esta na e hekki. Hende cu a pasa eybanda a scucha bastante cla hende of hendenan tabata papia

y e idioma aparentemente tabata Spaño. Pero no por a waak niun hende. Tres unidad di polis a yega y a controla hunto cu patrol di APA, pero no a haya nada. E patrol a keda di bolbe tira bista mas despues.

Desconocirnan a kima auto

Central a manda Polisnan diahuebs pa 3:54, na e dam pazuid di e cas Noord 40, unda un auto tabata kimando. A resulta cu un auto tabata completamente na candela. Brandweer a wordo poni na haltura pa paga e candela. E auto A-59788, a kima por completo. Door di esey, no a hib'e warda pa investigacion. E auto ta registra riba un Hyundai Accent blauw, na un cas na Noord. No tabata tin keho di ladronia di e auto. Despues Polis a busca pa dreña den contacto cu doño di e auto, pero sin resultado. Polis a laga un nota atras pa e doño tuma contacto cu warda.



Polis suspendi pa investigacion

Cuerpo Policial ta anuncia cu tin un investigacion interno andando contra di un colega

Den cuadro di transparencia di maneho Alto Mando di Cuerpo Policial kier informa cu ayera un polis di inicial C.F. a keda deteni como sospechoso di "valsheid in geschrifte". Mirando e

hecho cu e investigacion ta andando, nos no por duna mas detaye di e caso, en espera di resultado di dicho investigacion. Alto Mando kier subraya e hecho cu nos ta tuma tur caso na serio pa loke

ta trata integridad di nos miembronan y ningun hecho castigabel no ta wordo tolera. Esaki pa sigui mantene e bon nomber di nos Cuerpo na haltu y pa sigui tin e confianza di pueblo.

Anochi Informativo

Pa mayornan y/of voogd di studiantenan di e programa FS y IE na Unidad Hospitalidad y Turismo di Colegio EPI

Unidad Hospitalidad y Turismo di Colegio EPI ta invita tur mayor y/of voogd di tur estudiante di FS y IE pa anochinan di informacion y introduccion pa aña escolar 2015-2016.

Durante e anochinan di informacion tur mayor y/of voogd lo tin e oportunidad pa ricibi informacion relevante tocante e proceso di educacion di tur programa y tambe conoce tur mentor. E mentornan ta encarga pa brinda sosten na tur estudiante na e unit durante henter e aña escolar.

E anochinan di informacion y introduccion ta organiza como lo siguiente:

Diarazon - September 16, 2015: 1st year FS & IE Programs (FS 3-1 & IE3-1)

- 5:30 – 6:00 p.m. – Yegada y Bon Bini na Collegezaal EPI
- 6:00 – 7:30 p.m. – Sesion General– Collegezaal EPI
- 7:30 – 8:30 p.m. – Dialogo y introduccion cu tur mentors
 - AT 01 – FS 3-1 A
 - AT 02 – FS 3-1 B
 - AT 03 – FS 3-1 C
 - AT 04 – FS 3-1 D
 - AT 05 - IE 3-1 A & B

Diahuebs - September 17, 2015: 2nd & 3rd year FS & IE Programs

- 6:15 – Yegada y Bon Bini na EPI Hospitality & Tourism Unit
- 6:30 – 8:00 p.m. FS 3-2 Groups – Dialogo y Introduccion cu Mentors – RT 01 – 04
- 6:30 – 8:00 p.m. IE 3-2 Groups – Dialogo y Introduccion cu Mentors – HT 01 - 03
- 6:30 – 8:00 p.m. FS 3-3 Groups – Dialogo y Introduccion Individual cu Mentor Oficina di Docente
- 6:30 – 8:00 p.m. IE 3-3 Groups – Dialogo y Introduccion Individual cu Mentor Oficina di Docente

Presencia di mayornan y/of voogd y tambe di nos studiantenan ta altamente aprecia.

Si por tin cualkier pregunta no duda den tuma contact cu e unit directamente na 525- 8781

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Pareha cu actonan immoral riba veld

Central a wordo informa diahuebs pa 15:41, cu un pareha completamente sunu, tabata tene relacion sexual. Riba e veld di Mercurius. Polis a bay pero no a topa cu e pareha. Central a wordo poni na haltura.

Bodrum y Buna, dos potret cu a cambia historia

Skirbi pa Clyde Harms



E potret di e mucha Aylan Kurdi morto riba e beach di Bodrum na Turkia a evoca memoria di e potret saca pa e famoso fotografo George Strock di tres soldaat Mericano morto riba e beach di Buda, Nieuw Guinea cu a sali den LIFE magazine na September 1943. E soldaatnan a participa den e invasion maritimo di tropanan Mericano pa recobra parti di Nieuw Guinea cu e tropanan Japonés a captura e aña anterior; Aylan ta un victima di e guerra na Siria. Tur dos potret a haci un diferencia grandi den historia di mundo.

E potret di Strock tabata e prome potret publica den prensa Mericano di soldaat Mericano morto durante Guerra Mundial II. Censura di Gobierno Mericano tabata tin miedo cu e bista di e hobennan morto lo demoraliza

e pueblo y lo tabata tin consecuencianan detrimental pa e lucha contra Japon y e Nazinan. Pero e resultado tabata net contrario. En vez di demoraliza, e potret a uni e pueblo Mericano mas y a fortalese nan determinacion pa termina e guerra cu un victoria completo. Aylan y su famia no tabata participa den ningun guerra. Al contrario, nan tabata huy di e matanza cu ya a cobra mas di 300 mil morto na nan pais y cu a causa un enorme emigracion pa paisnan bisiña. Aylan ta un victima inocente di un guerra cu no tin sentido, pero su morto no ta en vano. Mescos cu e potret di e tres soldaatnan Mericano riba beach di Buna a duna forza na e firmeza di proposito di nan pais, e potret di Aylan a conscientiza henter mundo (evidentemente cu excepcion di Petra Laszlo,

e fotografo Hungaro) den forma dramático di e situacion tristo di e refugiadonan.

Morto riba beach di Bodrum, Aylan a bira un simbolo impactante di e tragedia di e refugiadonan na Mediterraneo. El' a pone un peso asina grandi riba e consenshi di e paisnan Occidental cu nan a sinti e deber moral di habri porta pa su co-emigrantenan. Berdaderamente, tur dos potret, saca cu un intervalo di mas di setenta aña, a cambia historia. Mescos cu e tres soldaatnan cu no a disfruta di un mundo cu nan a yuda libera di fascismo, Aylan tampoco no lo disfruta di e bida nobo cu e hospitalidad cu e paisnan Europeo y Americano lo ofrece na e miles di refugiadonan. Pero Aylan lo keda recorda pa semper pasobra ta potret di dje, morto riba beach di Bodrum, a haci cu miles otro lo por biba den paz.

Levenda pa e fotonan:
Morto riba beach di Bodrum. Aylan Kurdi a bira un simbolo impactante di e tragedia di e refugiadonan na Mediterraneo. E potret di George Strock di LIFE Magazine a uni e pueblo Mericano y a fortifica nan determinacion.

Manda bo comentarionan pa clydeharms@yahoo.com

LA NUEVA ERA

Descubri bo pasado, presente y bo futuro atraves di un consulta personalizada y cu reserva absoluto. Cu un lesamento di man. E iris di bo bista y bo orina. Mi lo bisabo si bo malesa ta natural, o no natural. O poni manera pa mannan di envidia. Si e persona cu bo tin hunto cubo ta infiel cu kier of no kier bo mas. Pakiko bo negoshi ta bai mal pa peor. Kiko ta pasando rond di bo cas. Pakiko tin tanto discucion den bo cas. Abo ta sufri amiga o amigo. Pakiko bo yiu homber of yiu muher ta den droga of den prostitucion. Den e consulta cu e centro di superacion e ERA NOBO Abo kier kita tur e dudanan ey. Yama awor mes y hasi un afspraak na e

TELEFOON: 569-4484 / 742-5678 ARUBA

Y abo lo ta un persona Feliz. Trabao ta 100 & Garantisa.

Interes di Pueblo

Top 95

Tur diasabra 11or pa 1or

Cu Nilo Croes



Habitante a lanta y haya dos ladron den su auto

Central a manda Polis diahuebs pa 3:48, na un cas na Soledad pa kiebro den auto. E muher T. a bisa cu mas o menos 3:30, el'a mira dos homber sinta den su auto, un Mitsubishi Lancer blauw/shinishi. Ora cu el'a sali pafor pa puntra e hombernan kico nan ta haci, nan a core bay y a laga e portanan di su auto habri. El'a mira cu tabata tin un auto blanco ta warda riba nan algun meter leu, E ladronnan a bay cu dos bril di solo. Polis a tuma e keho.

Dilanti cas ladronnan a purba los tirenan di auto

Asistencia di Polis a wordo pidi diahuebs pa 1:05, na un cas den Koolbaai Bergstraat, pa intento di ladronia. E homber V. a bisa cu durante anochi el'a lanta y a para mira den bentana y a mira cu pafor tabata scur. Ora cu el'a sali pafor pa controla un ke otro, el'a mira un homber bisti cu T-shirt blauw scur a cende e luz. Tambe el'a mira cu nan tabata purba los schroefnan di e tire di su Toyota Yaris, pero sin resultado.

Gerick Croes di MEP:

Green Corridor significa cu pueblo lo bay paga Financial Transfer Tax



Diahuebs ultimo parlamentarionan di MEP a acudi Pos Chikito pa tende preocupacion relaciona cu e proyecto Green Corridor. E hoben politico Gerick Croes tambe a elabora riba e aspecto financiero di proyectonan manera Green Corridor. Sr. Croes a declara lo siguiente: "Aparte di e angulo di infraestructura cu ta trece consecuencia pa ciudadanonan ta relevante pa pone atencion na e parti financiero. Apesar cu proyectonan PPP por resulta di ta bunita ta importante pa tur ciudadano pone enfasis riba e aspecto financiero. Cu esaki nos kier meen: "Di unda e fondonan aki ta bin"? Den caso di un proyecto manera Green Corridor esaki ta costa alrededor di 292 miyon florin. Esaki pueblo y futuro generacionnan mester bay paga durante un periodo di 18 aña. Pueblo no mester lubida durante e ultimo añanan cu Gabinete Eman tin deficitnan riba 340 miyon pa aña.

Sr. Croes a splica cu e ta importante pa pueblo sa cu na aña 1999 gobiernonan di Hulanda y Aruba a yega



na un acuerdo y asina Fondo Desaroyo Aruba a conoce existencia. Pa un periodo di 10 aña tur 2 gobierno tabata deposita placa pa asina por tabata tin pa inversion. Dus for di e tempo ey semper a saca placa di presupuesto. Pero awor gobierno kier bay pasa e carga financiero aki pa pueblo y futuro generacionnan cu e introduccion di financial transfer tax. E financial transfer tax aki ta un cobranza riba cada transaccion cu e ciudadano haci. Tin diferente tipo di transaccion financiero, entre otro cobranza di bo salario via banco,

swipemento di bo debit /credit card ora di compras, pagonan online, transferencia di fondo riba bo buki di banco, pago di recibonan di utilidad.

Si Gabinete Eman a maneha nos pais su finanzas na un manera responsabel, nunca lo mester a yega asina leu.

E punto cardinal ta cu proyectonan ta bin acompaña cu medida y un biaha mas pueblo ta esun cu lo wordo sacrifica pa ehecuta caprichonan di Gabinete Eman, tabata palabranan di Gerick Croes.

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta
Rosa Tereno, Coba Pos y
Fundeshi.**

ROOI BOSAL 49

TEL.: 585-1708

FAX.: 585-6299



Homber bao di influencia a kibra screen di slotmachine den casino

Asistencia di Polis a wordo pidi diahuebs pa 12:19, na un casino den Highrise hotel, unda un persona a kibra e screen di un slotmachine. E homber E. a bisa cu un homber a kibra e screen di e slotmachine, un American Original Bally 1605. E sospechoso a laga un copia di su cedula atras, como cu e no tabata kier a keda warda riba Polis. E homber N.B.T. naci na Aruba di 31 aña, tabata bao di influencia di alcohol y a bisa cu e ta dispuesto pa paga e daño. Polis a bisa E. pa e bay Recherche pa duna keho.

Habitante a haya molester di musica duro

Central a manda Polis diahuebs pa 3:36, na Different Bar, na unda musica duro tabata molestia habitantenan. E denunciante a bisa cu e ta haya molester di musica duro y no por drumi. Su yiunan mester bay school mainta. Polis a tende cu enberdad e musica tabata demasiado duro y a cera e lugar.

**Pa abona
na Solo di
Pueblo:
Yama 585-
9500**

Fraccion MEP a hala atencion di Presidente di parlamento



STATEN VAN ARUBA
Fractie Movimiento Electoral di Pueblo

Aan de Voorzitter van de Staten
Drs. M. Lopez-Tromp
Alhier

STATEN VAN ARUBA
Ingek. 07 SEP 2015
Volgnr. 15/1097/14-15

Aruba, 4 september 2015

Onderwerp: democratisch deficit in de Staten van Aruba, herhaling

Geachte mevrouw Lopez-Tromp,

Middels dit schrijven breng ik onder uw aandacht dat u wederom tekort schiet in uw verantwoordelijkheden als Voorzitter van de Staten. Blijkens het Reglement van Orde van de Staten behoren verzoeken van Statenleden voor het oproepen van openbare vergaderingen binnen 30 dagen te worden gehonoreerd. Onze fractie heeft al langer dan een jaar geleden schriftelijk verzocht om bepaalde ministers uit te nodigen voor een openbare vergadering om verschillende nijpende ontwikkelingen in onze gemeenschap te bespreken, echter vergeefs. Reeds op 9 februari j.l. hebben wij u hierop aangesproken, maar u heeft er echter voor gekozen om onze verzoeken niet te honoreren. Om maar een aantal te noemen die al in 2014 zijn aangevraagd maar die niet zijn opgeroepen:

datum:	Onderwerp:	Opgeroepen
7 feb. 2014	de alarmerende ontwikkelingen bij het Horacio O. Oduber Hospitaal	Nee
24 maart 2014	Tiara Air	Nee
26 maart 2014	vuilnisstortplaats te Santa Cruz	16 april 2014 – GESCHORST
26 maart 2014	Centrum voor Verslaafden te Savaneta	Nee
26 maart 2014	Wetsvoorstel Bosman	Nee
26 maart 2014	asbestgevaar te Pos Chikito	Nee
16 mei 2014	voornemens regering en Serlimar om voor vuilnisophaal te innen	Nee
16 mei 2014	Massale ontslag van de arbeidscontractanten van de Regering	Nee
16 mei 2014	Valero-raffinaderij	Nee
09 juli 2014	het project Hard Rock Hotel	Nee
08 okt. 2014	de ontwikkelingen ivm manifest van 1 oktober jl.	Nee

Het hoeft geen betoog dat u hierdoor het democratisch deficit in het Arubaanse parlement nog groter maakt. Wij keuren deze handelwijze af, en zullen deze inbreuk op de democratische principes van onze rechtstaat aanklaarten bij internationale instanties. Wij hopen u hiermee te bewegen om deze vergaderingen z.s.m. op te roepen.

Hoorachtend,
Namens de Fractie MEP
E. C. Wever-Croes
Fractieleider

E deficit den nos democracia ta continua cu ceramento di aña parlamentario 2014/2015. Netamente pa esaki fraccion di MEP a entrega un carta halando atencion di Presidente di Parlamento relaciona cu varios reunion cu nunca a wordo yama.

Tur ora bo ta tende Presidente di Parlamento papia di democracia, pero ora cu mester practica esaki ta resulta cu e palabranan bunita ta keda leu di e realidad, ya cu tin un cantidad di tema cu a wordo ignora door di Presidente di Parlamento.

Den e carta fraccion a recorda Presidente di Parlamento cu segun regla di ordo un reunion lo mester wordo honra y yama den 30 dia.

Pa aña 2014 un total di 11 reunion publico a keda sin wordo yama. Nos di MEP sigur ta lamenta cu ora ta trata di petitionnan haci door di oposicion tin un medio ignorancia y den cierto caso manera e 11 nan aki nunca ta wordo honra. Esaki ta e deficit den democracia cu nos ta papia di dje y nos ta condena esaki!


12
SeptClub
trappers

FESTIVAL DI MARIACHI

cu 25 participante di taya

acompanja pa

MARIACHI PERLA

di Aruba

**Festival ta dedica na e gran baluarte
di Musica Mejicana, Sr. Leon Ras**

Gueststars: Sra. Jolanda van der Linden, Berta Wolf

12 September 2015 | 8.orpm | Club Trappers

Fraccion MEP a bishita “John Wesley College”



Diabierna ultimo miembronan di fraccion a realiza un bishita na John Wesley College. Nos a wordo ricibi calurosamente door di e directora cu despues a pidi tur alumno bin padilanti pa haci un introduccion.

Parlamentario Guillfred Besaril como ex-estudiante di John Wesley College 25 aña pasa a hiba palabra

dilanti e studiantenan. Loke a resalta tabata e palabranan di estimulo na e studiantenan pa traha duro pa nan por logra nan meta.

Despues di e introduccion miembronan di Fraccion a sinta cu e directiva di John Wesley College pa tende nan preocupacionan riba tereno di enseñanza. A toca tema tambe kico

John Wesley College ta anhela na infraestructura. Adicionalmente a papia riba eleva e calidad di enseñanza cu digitalizacion di nos enseñanza. Fraccion MEP ta contento di por a bishita John Wesley pa tende loke ta reina na e school. Nos mihor deseonan pa e team di docentenan y palabra di exito na tur estudiante.





**OPENBARE AVONDLEERGANGEN ARUBA
BEROEPSONDERWIJS**



INSCRIBI

Bo ta creativo, responsabel, motiva y gusta traha cu bo man. Anto un opleiding na OAA Beroepsonderwijs school anochi di ofishi ta net loke bo ta busca. Check nos out na 5827324 of bishita nos website: www.oaa.aw
Inscribi pa aña escolar 2015– 2016

Preocupacion di pueblo ta nos trabao!

Oranjestad - Diaranson 9 di september a tuma lugar e unico reunion cu Minister Paul Croes, Minister

Otmar Oduber hunto cu miembronan di sindicato. Ariba e punto aki so nos a basa nos manifestacion awemainta 11 di September 2015. E meta principal di e reunion tabata e consecucionan rond di e introduccion di parkeo di vehiculonan di motor. Despues di e dialogo Minister a priminti 22 lugar di parkeer pa clientenan. Trahadornan mester paga pa luna pa parkeer pa bini trabao of ta haci uso di cierto areanan, entre otro areanan residencial. E habitantenan di e vecindario residencial no ta contento cu trahadornan ta para segun nan, rond di nan cas. Tur esaki ta crea disgusto cerca nos como trahador. Durante e reunion di dia 9 di September ultimo, un Minister a informa nos cu ta un luho pa nos pa nos por ta den e zona di parkeer aki. Departamento di Asunto Social (DAS) no ta un negoshi, simplemente ta duna servicio na personanan di menos recurso. Mester considera cu na otro paisnan servicio di gobierno ta keda accesibel pa pueblo. E contenido di servicio ta haci cu tur ciudadano irrespecto su entrada mester por yega na un Departamento di gobierno. Teniendo na cuenta esaki, Departamentonan di gobierno cu ta duna


servicio no por cay bou di e Lands Verordening Parkeerzone. Ta parce cu Gobierno mes no ta mantene su mes na su tarea pa sirbi interes general di pueblo, cu ta encera dunamento di servicio.

Den e areanan aki tin mas Departamento di gobierno cu ta duna servicio. E posicion di DAS ta, cu DAS no mester cay bao di e Lands Verordening Parkeerzone. Nos trabao na DAS ta intensivo y nos ta purba na duna un servicio di calidad na nos clientenan. Pa varios aña caba DAS ta confrontando hopi contratiempo pa duna servicio. Diariamente nos ta ricibiendo un averahe di 98-140 cliente anto si tabata tin servicio na San Nicolaas por ehempel, e clientenan aki no mester paga pa cuminsa haña servicio.

E problema di parkeer tin hopi mas consecuencia pa esnan involvi cu paga AWG 2,- so. Nos como trahador no por duna un servicio completo y esaki ta haci tambe cu apesar cu e hendenan tin problema, nan no lo bin pa servicio, haciendo e problema social na Aruba mucho mas grandi. Como trahador den sector social nos ta e voz pa esnan di menos recurso.

Den nomber di trahadornan di Departamento di Asunto Social

Garage Centraal Aruba cu kaarchi di Aruparking pa su clientenan di Aruba Bank MegaWorld car show



Garage Centraal Aruba tin e placer di anuncia cu tur esnan cu haci compra di nan auto den marco di MegaWorld lo haya un kaarchi di Aruparking na balor di 250 florin pa su uso den e parkeermeteran cu a ser instala den centro di Oranjestad.

E sistema aki ta haci uso di un grupo di aparato distribui den henter e casco central di Oranjestad, especificamente e sector rond di Caya Grandi. E persona cu e kaarchi por bai na e machinenan di parkeermeter, kies e lenguaje nan desea di usa na e sistema, skirbi e number di a parkeervak unda e auto a ser para, cuanto tempo bo lo ta parkeer na e lugar y e ora djis usa e kaarchi riba e scanner pa haci e pago. Cu esaki Garage Centraal Aruba ta duna un facilidad adicional na esnan cu desea di haci uso di nan auto na Oranjestad, especialmente importante dene periodo inicial aki, como cu e servicio a caba di ser introduci.

Garage Centraal Aruba lo ta presente na MegaWorld

na Camacuri, entre 6'or di atardi cu 9'or di anochi, y ta conta cu un stock completo den nan modelonan mas popular pa tur esnan cu lo desea di proba di e promocion cu Aruba Bank ta ofreciendo den marco di na MegaWorld. E special aki ta inclui un interes di 7.5% ademas di descuento riba seguro y e posibilidad di cuminsa paga despues di 6 luna. Ademas di esaki Aruba Bank a duna e posibilidad di extende e periodo di lening cu un aña adicional. Ta aconsehabel pa tin na man e documentonan necesario, cual ta inclui un ID valido, e dos ultimo payslip y un carta di referencia. Garage Centraal Aruba, di su banda, a cuminsa preparacionnan pa e temporada aki cu un stock amplio di tur nan modelonan. Esaki ta inclui autonan popular manera e Accent, of e Hyundai Tucson, tanto den su version conoci pa un y tur, como e Next Generation Tucson, cual a ser introduci luna pasa.

E Next Generation Tucson a ser introduci luna pasa, cu

un reaccion masivamente positivo pa cu e cambionan riba e modelo aki. Y Garage Centraal Aruba tin e placer di anuncia cu pa fecha di e MegaWorld lo tin na Aruba e prome grupo di e trim mas halto di Hyundai Tucson, esta e GLS. E version aki ta agrega na e modelo base elementonan manera e Power Tailgate, cual ta habri su so ora e doño di auto para cerca dje, light sensors, cuero, Electronic Parking Brake y hopi mas. Pa esnan cu ta interesa den e Hyundai Tucson cu ta ser mira riba camindanan na e momento aki, esta e segundo generacion, Garage Centraal Aruba ta informa cu e promocion di Afl. 2,500 Cash Back riba e modelonan aki ta vigente. Y ademas di Tucson, lo tin un grupo selecto di autonan cu descuentonan adicional e siman aki.

Pa locual ta e marca Isuzu, esaki lo ta bon representa na e cas show cortesia di e e pickup Isuzu D-Max, tambe conoci como "E Hefe". Ademas tin disponibel e Isuzu mu-X, e SUV di Isuzu cu ta ofrece un nivel superior di manejo riba tur tereno, danki na su construccion basa riba chasis di D-Max. Esaki ta un ventaha riba otro modelonan den e segmento cual ta simplemente cualifica como "City SUV". Esakinan ta usa e style di un SUV pero su fundeshi ta basa den e sistema conoci como "unibody", mas asocia cu autonan regular, cual no ta ofrece e nivel di resistencia pa terenonan dificil cu ta ser duna door di un chasis. E invitacion ta keda na un y tur pa pasa bishita durante e siman aki e showroom di Garage Centraal Aruba pa escoge di e stock amplio disponibel pa tur esnan cu desea di busca un auto nobo, cu respaldo solido di servicio y pizanan di Garage Centraal Aruba.

PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500



SOLO TA SALI Pa Nos Tur!

**PARTIDO MEP TA INVITA BO PA
CONGRESO 2015**

**DIADOMINGO 27 SEPTEMBER
LUGAR CAS DI CULTURA
ORA 4:00 PM - 9:00 PM**



**RIFA DI AUTO
5 FLORIN
Pa Ticket**



Control di Maritieme Politie diadomingo ta resulta den 15 procesverbaal



Diadomingo Maritieme Politie, cu un boto y tres waverunner, a tene un accion grandi di control den e zona di Eagle Beach te na Fishermen's Huts pa controla si tur usuario di vehiculonan di lama tin nan documentonan na ordo. A controla mas of menos 30 boto, y a entrega 15 procesverbaal den e proceso, Igmar Benschop, di Maritieme Politie a resumi. El a splica cu a controla na e botonan pa waak si tur documento di registracion ta na ordo, pero tambe si e persona cu ta maneha e boto tin su "vaarbewijs" na ordo y den tur dos area a topa cu infraccion.

Regularmente Maritieme Politie ta organisa e tipo di accionnan di sorpresa aki, unda ta sali cu un team grandi miembro di Maritieme Politie, hunto cu miembronan di e "boarding team". Den e caso aki e team combina tabatin 17 miembro, 9 agente policial y 8 miembro di e boarding team.

A controla botonan priva, como tambe botonan di watersports. Ta pone semper bastante atencion na e botonan di e companianan di watersports, Igmar Benschop ta splica, pasobra cu nan ta esunnan cu ta traha cu cliente, nan negoshi ta basa riba turismo y si acaso tin cualkier incidente nan documentonan manera registracion y seguro mester ta na ordo. Maritieme Politie tambe regularmente ta controla na Barcadera unda cu hopi boto ta drenta for di Venezuela. Aki polis ta guia e botonan pa bin aden y ta para hunto cu inmigracion y douane, esta e servicionan cu ta sigura cu e proceso di entrada ta bay manera cu e mester bay. E waverunnernan ta hopi util den e trabao di control den e area turistico como cu nan ta yega mas liher y cu mas facilidad cerca di e botonan cu mester

controla. Un otro tarea cu Maritieme Politie ta hopi activo cune ta e control na tera riba botonan cu kier drenta cu droga, otro producto- y personanan ilegal. Nan ta para na costa na puntonan strategico of ta core na costa unda cu

nan ta hopi bisto pa asina descurasha actividadnan ilegal. Leynan ta conta pa un y tur y tur hende mester tin nan documentonan na ordo; Maritieme Politie ta sigui controla, Ingmar Benschop a conclui bisando.



ACCION DI FIRMA

AWE DIASABRA, DIA 12 DI SEPTEMBER

FOR DI 9' DI MAINTA TE 12'or DI MERDIA

SEMELEERSTRAAT NA NOORD, NOS TA BAY DI CAS PA CAS

BAN MANDA E GOBIERNO DI MIKE EMAN CAS BEK !!

“NOS TA ARUBA” ta un plataforma voluntario di movementonan di ciudadanonan manera ARUBIANONAN PREOCUPA, COMISION SALBA ARUBA, GRUPO 7, CAN, NOS PAIS ARUBA, e sindicatonan entre otro T.O.P.A., S.T.A., SCCA, y varios PARTIDO POLITICO DEN OPOSICION, tanto den Parlamento como pafor di Parlamento, y un grupo importante di ciudadanonan conoci den nos comunidad.

- **DEN CORTO TEMPO GOBIERNO A LAGA E DEBE NACIONAL DI PAIS ARUBA CRECE TE CU 6 MIL MIYON (6.000.000.000,00) FLORIN DOOR DI MALGASTA FONDONAN PUBLICO Y APARENTEMENTE SUMANAN GRANDI A DISPARCE Y HORTA.**
- **E DEBE NACIONAL AKI NO POR WORDO PAGA SIN CAUSA HOPI DAÑO NA, Y TRISTEZA DEN E PUEBLO POR MEDIO DI MEDIDANAN COMO AUMENTO DI AOV, BAZV, BBO, AUMENTO DI AWA Y ELECTRICIDAD, BANKTRANSAKTIETAX, ABB, SOLIDARITEITSBELASTING, FOREIGN EXCHANGE TAX.**
- **E MEDIDANAN ADICIONAL LO COSTA CADA CIUDADANO MENSUALMENTE 400 FLORIN ADICIONAL Y CADA COMERCIANTE MAS DI 2000 FLORIN MENSUAL. AKI TA PAPIA DI UN GOBERNACION MALISIMO Y INACEPTABEL CU NO TA ACTUA RIBA E BIENESTAR DI PUEBLO**

“NOS TA ARUBA” TA OFRECE PUEBLO ARUBANO AYUDO Y SOSTEN PA LOGRA E META AKI DOOR DI:

1. Exigi pa Gobierno baha, pues pa manda Gobierno cas pa motibo di mal maheho.
2. Exigi un investigacion profundo, haci door WODC, riba tur e actonan administrativo, constitucional y PENAL.
3. Resolve e problemanan social, economic y financiero di Aruba
SIN TUMA MAS MEDIDA contra Pueblo di Aruba,
4. Anula tur e proyectonan PPP (Private Public Projects).
5. No desmantela e refineria, tanten cu tur esfuerzo ta ser haci y ofertanan pa mantene e refineria, ta ser studia y evalua.

SI BO NO KIER E MEDIDANAN MENCIONA Ariba, POR FAVOR FIRMA E PETICION DI NOS TA ARUBA.

BAN MANDA E GOBIERNO DI AVP CAS BEK!

Training di Rekenen y taal:

Pa ken e training Taal & Rekenen ta?

Pa alumnonan di 6de klas di School Basico cu kier sigui school secundario, sea riba e nivel Havo / Vwo (Colegio Arubano, Colegio San Nicolas of De Schakel College) of e nivel MAVO.

Kico ta e significacion di un training Taal & Rekenen? Den e training TAAL & REKENEN e estudiante ta prepara su mes pa e "leerstof" di 6de klas pa medio di un programa riba un nivel halto, di un bon calidad y cu ta cumpli cu e exigencianan di Hulanda y di Aruba. Door di e training, e estudiante ta *hopi bon prepara pa cualkier proefwerk na school, *e ta hisa su cijfer pa taal y rekenen y e ta cla pa (1) haci e toets TAAL & REKENEN, (2) slaag pa e toets y (3) drenta Ciclo Basico-1 of brugklas di Colegio Arubano, Colegio San Nicolas of De Schakel College sin problema. Den ki periodo e training ta tuma lugar? Na unda?

E promer training ta TRAINING REKENEN. Training REKENEN ta tuma lugar, den "Oktobervakantie", riba e siguiente fechanan: Oktober 5, 6, 7, 8, 9, 2015.

TRAINING TAAL lo tuma lugar riba e siguiente fecha: October 16, 17, 23, 24, 30, 2015.

Lugar: Club Don Bosco – sala chikito (Noord) Ken ta e trainer y organizador di e training TAAL & REKENEN? Drs. Rudolf R. Kelly (onderwijskundige, rekenspecialist) 5. Ki duracion e training TAAL & REKENEN tin? E training REKENEN tin un duracion di 15 ora. E training TAAL tin un duracion di 15 ora.

Pa mas informacion por tuma contacto cu drs. Rudolf R. Kelly pa medio di:
cell 562-2119, cell 594-9771, tel. 585-9774 of email rr.kelly@yahoo.com.


Lastronan chikito haya dilanti bentana di porta

Asistencia di Polis a wordo pidi diahuebs na Colegio Hilario Angela pa ladroncia, unda ladronnan a habri e bentanan di cushina y a ristra den e kashinan. Dilanti di e bentananan tin hekwerk y polis a mira lastronan di pianan chikito. Polis a tuma e keho.

Joyriding di auto dilanti cas

E homber S. a bay warda di Polis diahuebs pa 8:47, pa duna keho di ladroncia di su auto color blauw scur Toyota Tercel, año 1996 A-12602. Segun su declaracion e auto a wordo horta dilanti su cas na Matadera 9 entre 1:00 y 6:00. E auto tin un spoiler patras y un machica na e bumper dilanti. Polis a tuma e keho.

Señora alcanza pa un v-car na cruzada Van Leeuwenhoekstraat cu Caya Ing. Roland Lacle



Diabierna anochi algo pasa di 7'or un señora a bay cruza caminda na e cruzada di Van Leeuwenhoekstraat y Caya Ing Roland Lacle. E señora lo no a calcula e distancia di e auto na su man drechi y a wordo gedat.

Polis cu a ser manda cu urgencia pa e sitio. Polis a constata na su yegada cu e señora tabata na tino. Danki Dios e no tabata di e serio ey manera a ser bisa na prome instante. Dos Ambulance a presenta na e sitio, pero uno mes tabata suficiente pa asina prepara e señora y transporte pa hospital.



Siman di Orientacion di Universidad di Aruba ta inspira studiantenan nobo

Persistencia y abilidad ta central pa exito



Como 200 individuo lo inicia nan estudio na Universidad di Aruba, UA. Pero despues di a pasa algun dia hunto durante e siman di orientacion cu a haya e nomber 'Be the Game Changer' (Sea Esun cu ta Cambia e Wega), e individuonan aki a bira un ekipo y awor ta cla pa cuminsa realmente cu nan estudionan na UA. E siman di orientacion ta un programa cu UA ta organiza tur aña pa studiantenan nobo. Pero mirando e interes grandi di ultimo tempo pa studia na Aruba mes, a mira e necesidad tambe pa sigura cu e studiantenan berdad ta realiza nan

balor, no solamente como miembro di e famia di UA pero tambe nan aporte na otro y comunidad.

'Be the Game Changer' a inicia cu un ceremonia hopi alegre na Oranjestad Ballroom, unda henter e team encarga, bao direccion di Oficina di Asuntonan di Estudiante, OSA, a yama e studiantenan bon bini. E team tabata consisti no solamente di staff di UA, pero tambe studiantenan di e diferente facultadnan y tambe organizacionnan denter e institucion academico, manera e Asociacion di Studiantenan di UA. Luciano Milliard,

rector adhunco di UA hiba palabra na e ocasion y su mensahe tabata simpel: "Solamente esnan cu cruza e liña final ta haya corona." Cu esey, Milliard a enfatiza cu e hornada cu a scoge na UA lo no ta facil, pero cu cada estudiante mester persisti y surpasa retonan, asumiendo nan propio responsabilidad. Pa ilustra su mensahe, e rector adhunco a comparti un poema titula 'Meritocracy' (Meritocracia) cu ta enfoca riba e balor di esfuerzo pa logra surpasa pobreza y alcanza exito.

Riba e di dos dia di e Siman di Orientacion, studiantenan



a conoce nan propio facultadnan y nan co-studiantenan mas cerca. A haya mas informacion riba nan estudio, pero tambe kico cada facultad ta spera di nan. Por ehempel, e staff di Facultad Financiero Economico, FEF a laga tur e studiantenan nobo cera conoci personalmente cu otro, estilo di 'speed dating'. Segun Decano Joost Jacobs, e grupo di 75 ta menos cu e aña anterior, pero tin su motibo. "E percentahe di graduadonan di HAVO tabata mucho menos e aña aki y nos a ripara esaki." Pero asina mes, 75 ta un grupo grandi y experiencia ta muestra cu hopi lo sea stop nan estudio despues di e prome aña of ta usa e prome aña di FEF pa drenta e estudio di Ley of pa bay Hulanda. Pero yamativo ta cu e biaha aki varios estudiante a bisa bon cla cu a scoge conscientemente pa FEF, pa motibo financiero. "E estudio ta uno acredita, reconoci y e ta sali mucho mas barata compara si mester bay Hulanda," ta locual varios a bisa.

E facultad cu mas estudiante nobo ta FAS, Facultad di Arte y Ciencia. Pa gran parti esaki ta debi na e estudio di 'Wiskunde' cu tin no menos cu 50 estudiante inscribi. E estudio aki ta cuminsa cada pasa un aña y esaki ta su di dos biaha cu FAS ta ofrece e posibilidad pa studia 'Wiskunde' pa bira docente na scolnan

secundario superior. Den e grupo aki tin adultonan cu sea ta docente caba of tin experiencia riba otro tereno. Andy Dirksz por ehempel a trece su yiu pa conoce UA y a mira e programa di Wiskunde. "Mi a haya interes pa mi mes sigui y mi ta comprometi pa caba cu e estudio tambe," Dirksz a bisa. Mescos cu Collins John, cu a bin di Welzijn di EPI y a dicide pa cambia henter su direccion pa studia Wiskunde. "Mi tin mi mesun programa pa mucha despues di school," John a bisa. Pero FAS ta ofrece mucho mas cu Wiskunde. Un biaha mas gruponan di 10 pa 15 estudiante a scoge pa e trayecto Social Work & Development (SWD) y tambe e trayecto Organization, Governance and Management (OGM). Ambos estudio ta na Ingles y recientemente a cambia e rekisitonan pa permiti graduadonan di, HAVO y VWO cu un ocho pa Ingles drenta e programa sin mester haci e TOEFL (cu ta test e dominio di Ingles). Graduadonan di VWO, HAVO y EPI nivel 4 a drenta sin cu tin cu pasa e SAT, cu ta e asina yama (Scholastic Aptitude Test). Esnan cu no a caba EPI, HAVO of VWO, pues ta bin di sea International School of otro, si mester a haci un SAT. Hunto, e tres programanan di FAS a produci e cantidad mas grandi di studiantenan nobo pa UA e aña aki.

Durante siman di orientacion di Universidad di Aruba:

Mas facultad di Universidad di Aruba a tene conversacionnan orientativo y yamativo



Facultad di Ley tambe tabatin su conversacionnan orientativo y yamativo. Un hoben, Journey Tromp, a splica cu su intencion tabata pa sigui pasonan di su mama, Maruska Tromp kende na 2003 a caba su estudio di ley na UA y awor ta haci trabaonan huridico na Aruba Bank. Durante e encuentro a ilustra cu estudio di ley ta bay mucho mas leu cu djis traha den e profesionnan di toga (Abogado, Fiscal, Huez), pero cu tin mucho mas oportunidad riba otro tereno.

cente di FEF Edward Erasmus y ex alumno di UA y awor empresario Robert Anjie. Ta trata di e tayer H.E.I.S.T cu ta para pa Higher Education Intense Skill Training, esta Entrenamento Intenso di Abilidad di Educacion Superior. A tene tres session di 35 minuut cada uno, durante cua e studiantenan parti den teamnan Empire, Phoenix y Synergy mester a ehecuta dos tarea den un periodo chikito. Nan mester a ehecuta e tarea trahando cu otro, usando nan propio recursonan creativo, tur bou presion di tempo. Erasmus na final a comparti algun elemento importante pa cada estudiante y a bisa nan cu e "ta spera cu nan lo sigui traha riba mehora e abilidadnan aki durante nan periodo academico na UA." Y despues di e presion aki, e studiantenan nobo di UA a haya oportunidad pa relaha y traha riba nan curpa y mente, cu un session di yoga riba beach. DushiYoga Aruba a percura pa guia tanto studiantenan como tur esnan cu a organiza e Siman di Orientacion cu riba su mes tabata un inspiracion, mirando e entusiasmo di henter e instituto academico pa yama e miembronan nobo bon bini.



Facultad di Hospitalidad y Estudio den Maneho di Turismo, FHTMS, tambe a tene su introduccion y aki Decano John Wardlaw a considera importante pa e studiantenan haya sa mesora kico ta encera traha proyecto como ekipo. E studiantenan a haya e prome 'test' di kico ta liderazgo. Y yamativo ta cu un biaha mas e facultad ta conta cu tres estudiante Aleman cu ta haci un semester na Aruba como parti di intercambio. Nan ta den e grupo di principiante, pero nan mes ta den nan di dos aña di estudio "cu ta significa cu nan lo por yuda nos mesun studiantenan nobo cu abilidadnan cu nan ta domina caba," segun Wardlaw. E grupo nobo di FHTMS no ta mes halto cu otro facultadnan y e splicacion ta cu e exigencianan pa drenta e facultad ta halto. FHTMS ta exige tanto e TOEFL como e SAT, cu ta conta pa tur estudiante, hasta esnan cu ta bin di VWO. A sera e Siman di Orientacion cu actividadnan pa stimula di mente y curpa. A cuminsa cu e session di Creative Thinking (Pensamento Creativo) unda a aplica un tayer diseña pa do-

Potretnan ta ilustra e diferente momentonan di e Siman di Orientacion, incluso e team dinamico cu a organiza tur e eventonan. Un team cu ta representa tur facultad y organizacionnan cu ta dicidi pa duna OSA tur cu tin pa percura cu studiantenan nobo di UA haya e inspiracion necesario pa keda motiva pa cruza e liña final, cu ta corona cu nan diploma academico.

